

四庫全書

史部

欽定四庫全書

平定準噶爾方略正編卷六十二

乾隆二十三年九月甲辰

定邊右副將軍策布登扎布疏奏哈喇哈勒巴  
克部落歸誠

策布登扎布奏言臣之護衛巴圖魯自哈薩克  
回營且稟在哈巴木拜游牧遇哈喇哈勒巴克  
之庫楚克和卓告稱我等從前被哈薩克搶掠

今聞哈巴木拜等歸順亦情願投誠具呈乞為  
轉奏譯其呈文云管哈喇哈勒巴克六萬戶之  
庫楚克和卓等大小共議聞得

大皇帝撫納諸部願為臣僕若有逃人即擒拏解送  
我等來使因哈巴木拜等不肯導送是以由超  
勇將軍之護衛處具呈懇求轉奏等語復將呈  
文與哈巴木拜閱看據稱伊等歸誠是實但游  
牧太遠難於往返從前伊部落人等曾害我阿

坦呼斯坦嶺二十二日至雪山口聞雅爾哈善等已過賽里木向阿克蘇臣星馳兩晝夜約四百餘里二十四日五鼓與雅爾哈善相會據告稱已令端濟布領兵五百名前往臣於二十五日午刻抵阿克蘇回衆先已歸降臣領兵巡察回衆等携子女跪迎城上鳴鈺擊鼓雜以管籥臣等入居公廨據頭目摩羅阿舒爾等稟稱霍集占將伊親信之阿布薩塔爾授為伯克自庫

給緞疋荷包茶葉回衆歡喜叩謝臣等伏思頗  
拉特巴巴克等既為衆所推擬以散秩大臣鄂  
對為總管伊等副之并調貝子玉素富辦理事  
務留總兵閔相師領綠旗兵八百名駐防城池  
收獲糧石又聞伯克霍集斯及其子漠咱吧爾  
在烏什城內因馳書招撫一面挑選兩隊官兵  
二千八百餘名以侍衛噶布舒喀喇為前鋒偵  
探霍集占所在務期擒獲奏入

之將軍再於庫車派大臣一員管理看來回部事  
體將竣其善後事宜更當熟籌妥協俱著傳諭知  
之

諭護軍統領努三等辦理哈薩克貿易事宜

上諭軍機大臣曰努三等奏稱哈薩克哈巴木拜前  
遣伊子額特赫押送布庫察罕之子前來若使中  
攜帶貨物即酌量交易至所差納旺侯與阿布賚  
相見後有大夥貿易人等信息即行奏聞等語從

諭查奏甘肅兵民應行豁免款項

上諭軍機大臣曰甘省牧養馬駝不無賠墊前已特加恩賞其應行著追之項亦有旨豁免但自去冬以來辦理回部各省辦送駝騾俱在該省分槽飼養其承辦各官兵或又有賠墊之處至該省承辦軍需雖無派累而小民踴躍急公深為軫念所有本年及來年應徵地丁及各年一切積欠已屢經降旨蠲免此外或尚有應行寬免之項俱著黃廷

卜姪阿布薩塔爾等矣臣等詢呼岱巴爾氏據稱霍集占同我父自阿克蘇至圖爾璦時城中頭目欲設席誘伊入城擒獻事洩因遣我父入城令遷其衆於喀什噶爾我父即據城與伊對敵伊始自行回去等語臣等派侍衛齊凌扎卜等先往招撫隨領兵速行三十日至圖爾璦之烏什城霍集斯率衆來迎行抱見禮至大營跪

請



派侍衛齊凌扎卜噶布舒伯克鄂對等前往其  
招撫波羅泥都曾奉

勅書但中有擒拏伯克霍集斯阿卜都瓜卜之語暫  
擬恭存先遣霍集斯所屬詭為逃人給與檄文  
遣往奏入

上諭軍機大臣曰據兆惠奏稱伯克霍集斯迎降面  
陳追擒霍集占之策即領兵徑取葉爾羌等語所  
辦甚合機宜看來回部諸城自必聞風歸順逆賊

鄂實駐防庫車舒赫德屢獲重譴鄂實全未効力  
此次當知奮勉贖罪俟駐防數年後派員更換若  
因久戍思家諸事懈惰仍當重治其罪至平定回  
部後諒無難辦理惟派調回人於伊犁屯田尚須  
酌量若回人傷殘者多且伊等地已足用自不必  
勉強從事如必須派調則宜乘新定之勢稍遲恐  
伊等安土重遷反覺滋擾再北路之塔爾巴噶台  
亦宜防守所餘索倫兵一千擬令阿桂帶領駐劄

准其來京候朕酌量加恩若未經祈請亦任伊等  
各安游牧何必督令前來可傳諭兆惠納穆扎爾  
富德等嗣後外藩入覲聽其自來無煩催促即如  
貿易一節從前因豫備軍需起見今辦理回部業  
將竣事無須多辦馬匹伊等即踰期未到不妨將  
貨物存貯俟其來時再行交易亦不可加之催督  
於駕馭外藩之道方為允協

壬子

義喀爾喀兵丁和勒本噶勒藏等陣亡又溺斃兵  
丁一名得傷兵丁十一名已行文成衮扎布造冊  
送部照例查辦等語此次隨阿桂追捕烏梁海之  
陣亡得傷及効力官兵俱著查明送部照例議敘  
議卹再所奏拏獲得木齊庫克新疎防脫逃已照  
例將值班察哈爾護軍班株爾正法請將營總班  
珠爾藍翎侍衛布三泰革職留軍營効力贖罪索  
倫兵庫塞勒圖等革退從重治罪等語營總班珠

分三起轉運已行文黃廷桂購驢五六千頭於來  
春送至托克三哈喇沙爾與駝隻同運糧石等語  
從前因增派兵丁諭伊等趨運糧餉今回部諸城  
迎降相繼遂首計日可獲所至俱有口糧接濟不  
須內地運送可傳諭黃廷桂吳達善等現在已送  
之駝驢即於水草佳處牧放備運伊犁駐防屯田  
兵丁口糧未送者即在肅州等處飼秣其驢頭一  
項著停止採買

上諭軍機大臣曰據兆惠奏稱大兵已抵阿克蘇回  
衆出降現在領兵速進計霍集占不久就擒朕佇  
待伊等捷奏從前雅爾哈善兵抵庫車見城堅難  
克即諉之額敏和卓朕已料其無成嗣後奏報紛  
紜茫無端緒致使渠魁漏網兆惠進兵時雖當獎  
勵額敏和卓資其計畫而奮勇勦賊仍恃我兵力  
此時霍集占應已逃回葉爾羌昨詢問侍衛雙全  
據奏葉爾羌城中乏水須從外引入可傳諭兆惠

如兵至葉爾羌萬一賊眾仍如庫車之堅守則先  
斷其水道亦是一策其或霍集占棄城遠竄投入  
布魯特及痕都斯坦等部落亦即速往追襲毋失  
事機又

諭曰兆惠奏稱撫定回城以鄂對為總管等語現在  
招徠新附令鄂對暫行管理回可若平定葉爾羌  
喀什噶爾辦理安插回眾時朕意不必用回人為  
總管仍循其舊制各城分設頭目統於駐劄伊犁

後再降諭旨可傳諭兆惠富德若遇布魯特使人  
即遵照宣示兆惠等若知此地原委即指明具奏  
如未深悉可派員詳悉查勘除附近伊犁及尚可  
屯田之處斷不輕與或附近伊犁等游牧荒廢無用  
者酌量指給仍須詳定邊界兆惠富德若仍有回  
部未竣事務即令納穆扎爾到伊犁時遵照辦理  
戊午

上御太和殿受朝布魯特使臣車里克齊等隨班行



前朕諭伊等若哈薩克既踰貿易之期即將預備商貨量行發回今思哈薩克人等即今歲不至明年亦必前來若將貨物帶回巴里坤來春復攜往烏魯木齊轉覺勞費可傳諭努三等將貨物不必發回即存貯烏魯木齊交屯田大臣等派兵看守豫備來年交易

定邊將軍兆惠疏奏審訊雅爾哈善等失機情節

兆惠奏言臣奉到

諭旨審訊雅爾哈善哈寧阿順德訥等情罪分別辦理臣與雅爾哈善相見即傳

旨收其印信及節次奏稿又詰問順德訥聞有賊衆出城既不速行稟報復不悉力追擒以致縱脫首惡至雅爾哈善哈寧阿係將軍叅贊大臣信順德訥之策誘賊出走並不多派官兵堵截且聞衆口誼傳霍集占親援庫車亦未加意偵探

梁海等搶奪阿噶爾等卡倫馬駝即行知舒明等  
派莫泥扎卜同公多爾濟策登查拏伊亦就近馳  
赴和博克薩里等處搜捕哈薩克錫喇等語舒明  
等昨奏烏梁海搶奪卡倫即諭令悉力查拏今成  
袞扎布已派遣諳練之員前往甚合機宜至右哈  
薩克節經奏報并無哈薩克錫喇信息成袞扎布  
不必前往即遵旨回烏里雅蘇台辦事又

諭曰成袞扎布奏巴爾魯克卡倫拏獲厄魯特朋楚

稱巡查臺站遇有嗎哈沁等追至庫車因大雪迷踪等語從前永貴等派員追捕盜竊軍需之賊未能弋獲曾諭將派往軍營之察哈爾兵一千名內酌留二百名令敏珠爾棟保等帶領搜捕再赴兆惠軍營今兆惠已至阿克蘇官兵足數調遣可傳諭永貴除辦給軍營兵八百名照例整裝外所留兵丁亦一體賞給追捕盜竊臺站之嗎哈沁等務期盡獲不必馳赴軍營

命發遣順德訥之子於廣東

上諭軍機大臣曰順德訥以達呼里兵丁朕加恩用  
為副都統伊在軍前并不奮勉効力以致渠魁倖  
脫核其情罪雖業經正法不足蔽辜著將伊子阿  
爾綉阿交該部即發往廣東以示懲戒

命提督董孟馳赴兆惠軍營分管綠旗兵丁賞治裝  
銀五百兩

己酉

兵即行文豐安等令其從容行走併傳諭豐安等  
通行各隊侍衛官員等知之

諭酌定回人貢賦

上諭軍機大臣曰準噶爾從前所收回人貢賦曾經  
詢問恩克博羅特等開單呈覽今詳閱伊等繕寫  
各款項不過就其一時記憶並無細數殊屬蒙混  
不足為據即詢之回人亦未必肯以實告現在軍  
營効力之厄魯特回人內必有知者可因便傳諭

桂查明據實具奏候朕酌量加恩

庚戌

定邊將軍兆惠疏奏伯克霍集斯迎降

兆惠奏言臣領兵向烏什進發先傳檄伯克霍

集斯父子令其擒獻霍集占八月二十九日兵

抵哲爾格哲克德駐宿霍集斯遣其子呼岱巴

爾氏賈文來迎譯其文云和闐城伯克霍集斯

圖爾璜伯克漢咱吧爾等謹呈從前我等擒獻

達瓦齊蒙

大皇帝恩旨令波羅泥都與我同取葉爾羌喀什噶  
爾居往曾遣使隨扎倫泰奏明情節詎霍集占  
不聽兄言拘留

天使近從庫車回至阿克蘇為衆所拒又欲來圖爾  
璜我等固守不納願為

大皇帝臣僕至霍集占原有疑我之心將我子姪分  
居各城今聞我等歸誠必拏禁我兄阿卜都瓜



等自宜以軍紀約束至都爾伯特王公俱係新附  
奉調從行即屬恭順自可毋庸斥責仍量加賞賚  
又

諭曰成衮扎布奏主事明山扎薩克台吉根敦二等  
侍衛七格等追捕偷竊臺站馬匹賊匪未能弋獲  
請交部察議等語自應如所請行但明山等於追  
賊之便搜勦嗎哈沁等頗屬奮勉功罪尚可相抵  
著從寬免其察議此係特恩不得援以為例其陣

皇上萬安臣兆惠中坐額敏和卓及領隊大臣侍衛等列坐令霍集斯旁坐以言慰撫據霍集斯稟稱霍集占敗逃後或往喀什噶爾與波羅泥都相會或往葉爾羌俱未可定二城可集衆一萬人今若由烏什至喀什噶爾則山險難行且伊必由葉爾羌逃往痕都斯坦哈喇土伯特拔達克山不若徑往葉爾羌伊即在喀什噶爾既與布魯特安集延有隙必不往投仍從葉爾羌經

過大兵截擒較易至波羅泥都為人愿謹大兵  
至喀什噶爾自當歸降惟將軍裁決等語臣詢  
之軍營諸伯克俱以為實至霍集斯以額敏和  
卓現為貝勒稍覺謙恭其餘伯克鄂對等俱不  
加禮伊係回部望族若即送來京恐附逆者益  
生疑懼擬遣伊子漠咱吧爾入

覲留伊隨軍効力現在招降烏什城回人五千戶二  
萬餘口臣即領兵先往葉爾羌一面移檄和闐

兵可比應不准支給等語察達克等內附未久於  
恩克逃走時即領兵往追擒獲阿喇善及恩克屬  
人等今又領兵追捕恩克頗為効力乃停其支領  
口糧殊屬拘泥著仍照上年之例一體賞給

命革侍衛圖倫楚職留軍營効力贖罪

上諭軍機大臣曰據永貴奏稱圖倫楚等呈報伊等  
自托多克領兵向額林哈畢爾噶之北又冒雪踰  
孟庫圖嶺分兵於昌吉和托畢朱爾都斯空格斯

不日就擒朕佇聞伊等捷奏兆惠額敏和卓俱賞  
給荷包鼻烟壺俟成功後再沛珠恩霍集斯有擒  
獻達瓦齊之功今又歸誠畫策深為嘉悅著加恩  
錫封公爵賞戴雙眼孔雀翎寶石頂帽天馬褂荷  
包鼻烟壺用示優眷若能擒獲霍集占當晉加爵  
賞兆惠即傳旨撫慰至霍集斯有伊子分居各城  
之語似非長策兆惠宜留心體察伊從前與霍集  
占相助若回衆有追怨情形或將伊諸子同居一

城而伊微覺含怨即令其入覲再伊所言分城居  
往之故係霍集占內相猜疑殊不可信但既有此  
語不妨即以此藉口令其同居一城將來回人中  
有毀謗霍集斯者若係霍集占黨與自無可疑或  
其人與霍集占不合而亦怨霍集斯則情形叵測  
不可聽其久留舊地矣至波羅泥都即能歸命亦  
不便仍居原處俟擒獲逆賊時再行定奪  
定邊將軍兆惠疏奏留兵城守等事宜

平定淮噶爾方略正編卷六十二

員駐防辦事臣一面調取貝子玉素富遊擊職銜丑達領兵四百名防守遵

旨將舒赫德留往烏什阿克蘇其庫車城有叅將王玉廷及伯克鄂對之子鄂斯璫防守其沙雅爾城亦令兼管仍飭舒赫德查核回部貢賦約束兵丁勿令擾累新附其屯田事務俟玉素富到日再行定議奏入

上諭軍機大臣曰觀霍集斯望風迎降是回人畏我



軍威將有擒獻霍集占者兆惠成功後亦當稍為  
休息所有駐兵屯田等事宜自當豫行籌辦朕意  
於新派索倫兵二千名察哈爾健銳營兵各一千  
名內派索倫兵一千察哈爾健銳營兵各五百共  
二千名令納穆扎爾三泰駐防伊犁所餘察哈爾  
等兵各五百酌派七百益以綠旗兵三百共一千  
名令舒赫德以頭等侍衛職銜駐防阿克蘇仍餘  
察哈爾等兵三百益以綠旗兵二百共五百名令

甲子

以預備軍營馬匹及移駐官兵等事

諭定邊將軍兆惠等

上諭軍機大臣曰兆惠等軍營馬匹俱長途跋涉若  
功成奏凱乘騎疲乏於回衆觀瞻非體已傳諭阿  
里衮永貴在巴里坤牧養馬內挑選二千匹送至  
庫車備兆惠等行文調取亦使回人知我兵力若  
非迎降相繼自必陸續調撥斷不中止至所派官

已面為訓諭新兵既經分駐舊兵自宜撤回凡此  
籌辦大略可傳諭兆惠酌量情形議奏

命優卹搜捕逸賊陣亡之索倫兵丁

上諭軍機大臣曰富德奏據瑚爾起報稱在阿里瑪  
圖河搜捕逸賊索倫兵兆噶見厄魯特二賊踪跡  
射一人墜馬其一人鎗刺兆噶身死索倫領催約  
克什勒圖擒兆噶射傷之賊其刺兆噶賊逃走為  
索倫兵拜喇勒圖追及射死等語兆噶著照陣亡

例交部議卹仍賞伊家銀五十兩約克什勒圖拜  
喇勒圖賞銀各三十兩仍交部議敘

辛亥

諭定邊將軍兆惠等辦理外藩事宜

上諭軍機大臣曰富德奏稱遇哈薩克之巴魯克詢  
問伊等入覲之索勒屯巴圖爾及貿易人等曾否  
起程等語哈薩克布魯特等俱屬外藩伊等入覲  
雖藉抒誠悃亦為希冀賞賚如果情詞懇切自應

等至扎木巴拉布拉克之源探有賊踪署筆帖式  
四達色奮勇衝擊勦殺五十餘人計陣亡兵三名  
得傷兵二名又喀喇沁叅領賽圖於圖爾根察罕  
烏蘇勦賊四十餘人計陣亡官一員兵六名得傷  
兵十名察哈爾護軍錫喇卜現未回營覓尸無獲  
等語此二次搜勦嗎哈沁陣亡得傷官兵俱著交  
部議卹議敘四達色原係健銳營前鋒著加恩授  
為護軍校遇缺即補其賽圖等効力官兵俱著造

諭辦理伊犁屯田事宜

上諭軍機大臣曰從前因辦理回部將伊犁屯田事務暫行停止今回部各城迎降相繼大功計日可成來年駐防伊犁之兵亦已豫為分派則屯田以省轉餉之勞自不可緩軍營綠旗兵丁駐防各城所用無幾應行派往伊犁并酌派回人等令納穆扎爾三泰等辦理屯田或將魯克察克哈喇沙爾烏魯木齊等處屯田兵丁移至伊犁再於內地派

出兵丁補缺可傳諭兆惠納穆扎爾永貴定長黃  
廷桂等咨商定議具奏一面將應辦之事先時豫

備

諭定邊左副將軍成袞扎布敘卹追捕烏梁海効力

官兵

上諭軍機大臣曰阿桂奏稱領兵由察喇斯路向汗  
哈屯追捕恩克搜勦潛匿幽僻之烏梁海等索倫  
兵新達勒圖努奇察滿洲領催阿勒金兵丁王承

噶爾要路恐兵抵葉爾羌後賊衆乘隙擾我臺站  
已留兵駐防等語富德須沿途訪問若兆惠尚未  
成功即由巴爾楚克領兵攻取喀什噶爾俾賊見  
兩路有兵自然瓦解成功愈速矣俱著傳諭知之  
諭大學士管陝甘總督黃廷桂酌派屯田差遣官兵  
上諭軍機大臣曰據永貴奏行文黃廷桂派參將遊  
擊等官二三員千把總等官四五員以備差委并  
酌派應差兵役二三百名又闢展同知伊星阿一



爾等此次尚屬効力應交部議敘今既約束不嚴著停止議敘從寬革職留任庫塞勒圖等亦免其革退量加責懲後不為例俱傳諭成衮扎布知之諭巴里坤辦事副都統阿里衮調回阿桂所領年久

### 官兵

上諭軍機大臣曰阿桂奏來京請訓馳赴西路軍營酌派所領侍衛官員二三名索倫兵二十餘名將行裝自布延圖先送至巴里坤等語阿桂所領官

兵久在軍前自應調回休息可傳諭阿里衮伊等  
抵巴里坤即令派官兵照看行裝令其由臺站各  
回游牧休息以示體恤

癸丑

諭定邊左副將軍成衮扎布嚴拏搶奪卡倫之烏梁  
海等

上諭軍機大臣曰昨據舒明奏稱俄羅斯界所設阿  
噶爾等卡倫被和托輝特之烏梁海等賊人搶奪

上諭軍機大臣曰閱黃廷桂所奏伊犁屯田一摺未免有竭蹶從事情形如請將駐防官兵及烏魯木齊屯田兵丁於今冬由哈密起程前往方可無悞春耕等語果能如此自屬有益倘實難猝辦則隨時籌畫朕亦必不以從事稍緩遽加督責但不得因此遂生作輟之意耳現在烏魯木齊屯田漸廣所獲穀石酌量運送伊犁接濟可省甘肅給密等處轉運之煩黃廷桂惟辦給烏魯木齊屯田籽種

巴里坤辦事副都統阿里衮奏於鄂什奚卡倫  
盤獲軍營逃兵崔文彩正法

大學士管陝甘總督黃廷桂奏於嘉峪關盤獲  
軍營逃兵李子雲等七名正法

冬十月甲寅朔

諭定邊將軍兆惠查看回人阿布薩塔爾踪跡

上諭軍機大臣曰昨據兆惠奏報霍集占自庫車敗  
回阿克蘇伊親信之伯克阿布薩塔爾將城外數

百戶相隨向西等語阿布薩塔爾之叔伯克霍集  
斯業已歸附此時伊或與霍集占相絕自行來歸  
或仍隨霍集占俱著兆惠查明具奏

乙卯

諭大學士管陝甘總督黃廷桂等糧運駝騾不必趲  
送

上諭軍機大臣曰據吳達善奏稱自哈密至闢展共  
運送米麵一萬四千七百餘石又自闢展至庫車

癸酉

定邊左副將軍成衮扎布疏奏擒獲逃犯和里木

成衮扎布奏言前因安插呼倫貝爾之明噶特得木齊和里木等脫逃隨派獎賞孔雀翎托爾蘇岱等領兵追捕臣復領兵親往十月初二日據叅贊大臣莽古齊等報稱總管莽噶拉克之子扎巴罕等於九月三十日在伊勒登鄂岳克

諭定邊將軍兆惠酌量調撤富德官兵

上諭軍機大臣曰昨以辦理回部將竣諭策布登扎布回游牧休息富德候兆惠信息如霍集占既獲亦即來京今回城相繼降附自不必多煩兵力但相距遼遠現在如何辦理尚需富德之兵否可傳諭兆惠酌量兵力如必資協助即調富德領兵進進若實在可以不須亦行文富德將所領官兵撤回游牧即遵前旨來京但不可因有諭富德來京

之旨揣摩拘泥仍將現在情形作速奏聞

丁巳

諭定邊將軍兆惠等查勘布魯特游牧邊界

上諭軍機大臣曰布魯特入覲使臣等奏特穆爾圖  
淖爾係伊等舊游牧懇請賞給朕諭云雖爾等舊  
游牧久被準噶爾所侵豈可仍視為爾土但爾等  
既為臣僕此地頗屬寬閒或附近游牧之處酌量  
賞給以裨生計尚屬可行俟交將軍大臣等查奏



索濟克烏巴瑪爾扎克亦加賞緞二端効力兵丁  
等加賞銀各五兩仍以恩旨傳諭伊等俾知鼓勵

乙亥

飭諭提督豆斌前赴兆惠軍營

上諭軍機大臣曰豆斌巡查臺站搜捕餘賊已踰一  
載前後所報拏獲嗎哈沁不過一二無闕輕重之  
人即如所奏特伯爾古臺站既有厄魯特盜馬之  
事乃並不親身查辦僅委侍衛五恰守備馬守全

禮

諭參贊大臣巴祿查奏圖倫楚等追賊信息

上諭軍機大臣曰據永貴奏稱奉到飭諭圖倫楚等速勦阿巴噶斯哈丹餘孽之旨已派員賞送據圖倫楚達禮善敏珠爾多爾濟等云爾等且先回俟到烏魯木齊再行呈報又據達里善報稱現在往會巴祿等語伊等所報甚屬糊塗前申飭圖倫楚之旨曾諭令於賞送人員之使即行回奏乃迄今

杳無信息且達里善等與巴祿何日分兵亦未奏  
及可傳諭巴祿圖倫楚達里善此時曾相會否至  
辦理厄魯特餘孽已飭催數次何以未見奏報一  
併作速奏聞

已未

申諭定邊左副將軍成衮扎布等嚴拏盜竊卡倫賊  
匪

上諭軍機大臣曰成衮扎布等奏稱和托輝特之烏

桑搜捕嗎哈沁効力行走伊等至巴里坤時著阿  
里衮酌量資給送京

已卯

命議叙送馬官兵及量賠倒斃牛隻

上諭軍機大臣曰扎拉豐阿等奏稱護送軍需馬牛  
羊隻至巴里坤查得商都達卜遜淖爾等牧羣送  
馬六千匹全數交收上駟院所送馬匹及牧羣羊  
隻雖有倒斃不及原定一成之數惟牧羣所送牛

克烏勒木濟德勒格爾等俱係索倫官兵奴僕偷竊牧羣馬匹從巴里坤逃出除審明正法外其所竊馬匹送交原主識認等語著傳諭阿里衮此等賊匪是否官兵奴僕抑或西路逃來之嗎哈沁等若實係奴僕則辦事大臣等全無稽查約束可知至所竊之馬為官為私亦當詳悉查問嗣後官兵等奴僕務宜嚴加約束有逃走滋事者即行嚴拏

### 正法

諭定邊將軍兆惠等酌量新派官兵行走緩急

上諭軍機大臣曰據領健銳營兵之侍衛豐安等奏稱奉到速赴軍營諭旨計日行百里十月十二日可抵哈密十一月十七日可抵阿克蘇等語從前因辦理回部未悉情形恐急須策應今各城相繼迎降度軍營官兵已足竣事增派健銳營等官兵原為豫備屯戍若行走過急致勞馬力轉於事無益可傳諭兆惠此時若霍集占業已就擒不需多

永貴等奏言本年闢展等五處屯田兵三千六百名今屆收穫之期看得地有肥磽穀分豐歉米麥合算通計寔屯田三萬三千五百四十五畝每畝收穫一石九斗至一石四斗不等共收穀三萬七千三百四十餘石以去年每畝一石四斗計之增出五升至三斗六升不等共多收六千七十餘石所收穀石次年自闢展至哈喇沙爾烏魯木齊新舊兵丁又烏魯木齊附近額

兆惠令其留心查詢噶爾丹策零時每年回部所  
輸何物其數若干逐一開載俟大功告成酌定貢  
賦時易於辦理

辛酉

諭定邊左副將軍成衮扎布等辦理追捕逃匪等事  
宜

上諭軍機大臣曰據成衮扎布奏稱安插呼倫貝爾  
之厄魯特明噶特得木齊和里木等攜帶眷屬十



餘口逃出納林喀喇等卡倫隨派侍衛占丕薩及都爾伯特之王公扎薩克等追至烏闌古木河為都爾伯特公巴圖孟克等追及於夜間突圍逃脫已率領副都統栢起親往追捕等語昨諭成袞扎布回烏里雅蘇台辦事今既親往追捕逃入即不必拘泥前旨舒明亦不必來京且暫駐烏里雅蘇台辦事至所奏公巴圖孟克等以大衆圍守十餘人尚致逃脫已嚴加斥責等語此在侍衛占丕薩

上諭軍機大臣曰豆斌奏稱派員從北山一帶巡查  
賊人踪跡於西大山溝內搜得馬匹行至山嶺天  
降大雪無處尋覓等語所奏甚屬謬誕搜捕逸賊  
係豆斌專責既得被搶之馬即此便是賊踪急宜  
盡力追襲雖遇大雪賊又豈能飛行絕跡乃稱跋  
涉瞭望全無影響是必待賊人自來束手就縛耶  
向來綠旗惡習專以欺謊文其選悞豆斌受任以  
來申飭不啻再三總未見努力辦理一事即如奏

亡之駢騎校老格著加恩交部議卹

壬戌

諭護軍統領努三等辦理貿易哈薩克馬匹

上諭軍機大臣曰據努三等奏稱哈薩克哈巴木拜查送布庫察罕之子帶馬三百餘匹於九月十七日到烏魯木齊貿易其阿布賚等侯伊等回抵游牧再行遣人前來請將貿易馬匹交與永貴納世通以備調撥等語此次所得駢馬可傳諭努三等

與永貴商酌或解送軍營或令新派官兵乘騎前往其兒騾馬留於屯田處所加意牧放將來孳生蕃息便成好牧羣嗣後貿易馬匹即照此辦理

諭叅贊大臣扎隆阿等補給烏梁海內大臣察達克兵丁口糧

上諭軍機大臣曰扎隆阿等奏稱准叅贊大臣莽古賚郡王車木楚克扎布等支領口糧已經辦給其烏梁海內大臣察達克所領兵五千名非初次出

上駐蹕南苑右部哈薩克使臣卓蘭等來朝

賜宴

命扈從王公大臣等與宴

索倫獎賞藍翎林保厄魯特獎賞藍翎齊里克  
齊以護送哈薩克使臣來京俱

授為三等侍衛

乙酉

諭辦理屯田侍郎永貴等巡查關展至阿克蘇臺站

哈什波羅和羅等處搜捕逸賊會合巴祿之兵等語圖倫楚達禮善等前追哈丹阿巴噶斯餘黨因阻水却回朕已降旨詰責今雖據稱於各處徧行搜捕不過徒勞馬力若早能疾躡賊踪當不至此可傳諭巴祿俟圖倫楚等相見時除敏珠爾多爾濟達禮善已經革職仍將圖倫楚革去侍衛職銜留於巴祿隊內効力贖罪

叅贊大臣永貴疏奏布魯特使臣哈畢啟病故

永貴奏言布魯特使臣哈畢啟以病留養九月  
二十六日據遊擊傅明阿報明病故其從役等  
照伊部落之禮殯葬候使臣舒庫爾歸程酌量  
辦理奏入報

聞

庫爾奇勒十六處俱係努三等率道員薩瀚原  
任道員成德詳勛來春屯田兵丁耕作時請派  
出一員前往指示又舊居穆壘等處今賞給肅  
州一帶官兵之厄魯特等有能識泉源者請揀  
發數人以備差遣更有裨益至屯田八百餘里  
用兵萬人收支所獲穀石請揀發同知通判二  
員雜職四員分司出入仍以原任布政司掇穆  
齊圖兼管又闢展等處文移多兼蒙古字理藩



欽定四庫全書

平定準噶爾方略正編卷六十三

乾隆二十三年冬十月癸亥

申諭定邊將軍兆惠辦理回部事宜

上諭軍機大臣曰兆惠奏稱伯克霍集斯將烏什所屬之布魯特頭目噶第喚至軍營據告稱從前霍集占領衆三千經過隨行人等俱甚困憊有毀棄軍器宰殺馬駝者怨聲載道等語賊黨俱已離心

大功自可立奏至從賊人內有霍集斯之兄姪此時若自拔來歸應加恩賞即或後時降附亦為寬貸惟阿卜都克勒木斷不可宥至前諭庫車阿克蘇等處分兵駐劄原為護視回人起見並無勞敝伊等之處恐風聞妄生疑懼可傳諭兆惠等務宜明白曉示再此兩處駐防有無裨益或暫行一二年或可垂之永久俱著悉心籌畫其屯戍貢賦等事亦即酌定仍遵旨來京交納穆扎爾等辦理

喀什噶爾城一宿駐雅普爾噶四日聞波羅泥  
都深怨霍集占妄動定約各守一城相為聲援  
波羅泥都領馬步萬餘人於離喀什噶爾城一  
站之當噶勒齊駐劄霍集占移村莊回衆糧草  
八葉爾羌城令舍勒默特摩羅噶里卜領衆五  
十人於布爾吉博斯屯安設卡倫又訊以現在  
城內兵馬若干霍集占信任何人衆心何如曾  
往喀什噶爾通信否又葉爾羌之伯克阿卜都

兵駐防庫車阿克蘇等處仍遵前旨惟伊犁駐防  
兵二千塔爾巴噶台一千此時且不必前往或就  
近在吐魯番闢展或巴里坤過冬俟來年再行進  
發既便於糧運而官兵亦得少為休息併傳諭黃  
廷桂知之又

諭曰昨據兆惠奏稱伊等度阿勒坦呼斯坦嶺時官  
兵有中滾石身死者又伊犁河水漲時騎牽馬駝  
浮渡亦有溺斃數人等語官兵急公殞命深屬可

憫著照陣亡例議敘此次兆惠所領官兵行走殊屬奮勉從前議照進兵例減半賞給著加恩給以全賞即將大臣侍衛官員等職名開列具奏

命副都統范時綬前往屯田處協同定長辦事

丙寅

諭叅贊大臣巴祿等議敘搜勦逸賊官兵仍另派索倫兵勦賊

上諭軍機大臣曰巴祿奏稱領兵分路搜勦嗎哈沁

擊誘賊出戰又分遣兵馬搜括村莊發掘窖粟  
及山谷牛羊斷其芻牧樵採伊等自生內變至  
兵丁馬匹均須接濟所有駐劄庫車賽里木拜  
等處綠旗兵丁應請調赴軍前併送馬三千匹  
但巴里坤等處程期兩月有餘長途必致疲之  
請於馬匹至阿克蘇時令舒赫德驗看若不能  
前進即存留牧放俟草青時解送方為有濟奏

冊送部議敘仍傳諭巴祿伊所領兵丁久應更換若未能即殲逸賊可回抵烏魯木齊照富德兵丁例賞給遣回現在辦理回部將竣新派索倫兵尚未効力巴祿即選派五百名每人給馬三匹裹糧前往凡藏匿之嗎哈沁及哈丹阿巴噶斯餘賊盡行搜捕勦除併傳諭永貴阿里衮知之

戊辰

諭定邊將軍兆惠等會同進兵事宜

上諭軍機大臣曰兆惠奏稱從卡倫擒獲回人等據  
供霍集占將多倫回衆移往葉爾羌等處隨將橋  
道燒燬伊等逃至舊地掘埋歲糧食以度日等語  
當此冬寒水涸時橋梁雖毀我兵或浮渡或拴筏  
無不可者兆惠宜努力前行乘回衆離心渠魁目  
當就縛昨已促富德前往會合兆惠惟酌量行文  
調取至回人多有窖藏糧食者軍行所至須留心  
誘詰以資接濟又所奏巴爾楚克為葉爾羌喀什



諭永貴伊現在巡查臺站前至阿克蘇時即行暫  
駐同舒赫德辦理一切運送馬匹糧餉事務

巴里坤辦事副都統阿里衮疏奏親解馬匹前

赴軍營

阿里充奏言十月二十五日准兆惠咨送奏稿  
內稱軍營兵丁雖有四千餘名但馬匹不足若  
再得三千匹方有裨益等語臣昨奉

諭旨預備軍營凱旋馬二千匹送至闕展聽候調撥

人管理收支等事未免竭蹶請添派諳習糧務同  
知二員雜職二員協辦等語屯田伊始差務頗繁  
所需官員自不可少至聽差兵役等則現在屯田  
兵丁未必日事耕作自可通融調換何必多為添  
派可傳諭黃廷桂永貴所需文武官員照數發往  
再派兵一百名以備差遣

命陞賞署章京達爾扎桑等

上諭軍機大臣曰永貴奏喀喇沁臺站署章京達爾

扎桑隨兆惠西路出兵奉委巡查臺站節次勦殺  
嗎哈沁頗屬奮勉等語達爾扎桑著加恩授為藍  
翎侍衛伊招降之厄魯特收楞額巴泰亦著有勞  
績又屯田副將張兆潘署把總戴謹等拏獲逃兵  
馬順正法俱著永貴酌量賞給以示鼓勵

已巳

諭大學士管陝甘總督黃廷桂等酌辦伊犁屯田事

宜

諭大學士管陝甘總督黃廷桂等運送軍營糧餉

上諭軍機大臣曰從前兆惠以回地可得口糧行文  
巴里坤等處駐劄大臣而各處所送糧餉亦已敷  
用是以諭令暫行停止今兆惠兵抵葉爾羌一切  
尚須辦理糧餉所關最要不妨稍為寬裕已諭永  
貴阿里衮等酌量運送可傳諭黃廷桂吳達善照

常籌辦

申諭定邊將軍兆惠取城擒賊事宜

其伊犁屯田則從回部凱旋綠旗兵丁自可留用  
此外或酌派回人同往庶人不勞而事易集墾得  
一畝即收一畝之用總之辦理屯務惟在該管大  
臣相度事勢次第辦理如烏魯木齊人力有餘自  
可量為抽調或不足亦不必勉強前諭所云由近  
及遠意正在此無取過為周章也又

諭曰黃廷桂籌議伊犁屯田之奏辦理甚覺周章已  
諭令隨時酌量不必竭蹶從事矣但伊犁現議駐

兵兆惠納穆扎爾等辦理回部事竣即可調綠旗  
兵及回人等酌量派出籽種前往伊犁耕作以濟  
軍食即籽種無多亦就其足敷應用者施功若仍  
未能設措亦不必拘泥可傳諭伊等令其作速奏

聞

命厄魯特侍衛碩通在叅贊大臣阿桂隊內行走

上諭軍機大臣曰阿桂奏稱厄魯特侍衛碩通在軍  
營殊屬奮勉今仍懇隨往西路等語著准其所請

列名於次不必受巴祿節制巴祿與巴圖濟爾噶爾當和衷協力以期集事若能盡勦餘孽併獲哈薩克錫喇則真伊二人之福也

庚寅

諭叅贊大臣富德分別留遣本隊官兵

上諭軍機大臣曰富德奏稱本隊官兵在軍前年久者遵旨遣回游牧其未及二年者或留或遣又有補授藍翎侍衛之索倫五員亦未便照年久兵丁

級裏以馬皮埋於中察罕烏蘇後巴圖爾烏巴什欲殺我等我乘間脫逃等語隨派侍衛額爾登額帶塞塔爾等前往照所指之地掘出頭骨一具係馬皮包裹即於衝要路口樹上懸牌梟示仍將塞塔爾送往巴里坤以備詢問奏入報

聞

壬申

申諭定邊將軍兆惠等分辦屯田事務

欽定四庫全書

平定準噶爾方略正編

卷六十三

十



上諭軍機大臣曰適因黃廷桂咨高兆惠永貴辦理屯田朕已諭令專辦烏魯木齊籽種其伊犁屯田事務交與兆惠等於回部酌派籽種農器運往矣伊犁屯田原為駐防兵丁糧餉起見伊等乘騎馬匹稍為休息自可助耕如有不足則輔以人力但回人甫經平定派出籽種時或即抵應納之貢賦至農器則給以官價若仍有未便亦從容籌畫示可勉強從事

惠咨到時亦當在來春正二月間青草漸生自可  
從容運送庶臆分不致頗減不必於冬間趲辦一  
切總候兆惠來咨隨時應付為妥併將原奏錄寄  
兆惠閱看

甲午

諭副都統職銜定長總辦屯田事務

上諭軍機大臣曰近因阿克蘇辦事需人已命永貴  
前往計此時已得旨起程其闕展等處屯田事務

將和里木擒獲初四日解至軍營據供因口糧  
斷絕起意往阿爾台烏梁海處就食帶男婦十  
六口同逃沿途有兵追捕俱以行術致雨迷踪  
得脫并拏獲所遇人等訪問馬羣處所偷竊更  
換沿途殺害多人惟導引者仍行釋放行至努  
肯穆倫遇莽噶拉克之子領數人追捕是時同  
行只餘四人俱已投降遂被擒置馬上中途縛  
解逃匿山谷旋思無地可往遂就擒獲等語謹

將和里木嚴加看守派藍翎侍衛素魯克沁等  
押解送京其奮勉擒賊係莽噶拉克之子扎巴  
罕哈克圖之子巴雅爾圖及其從弟瑪爾扎克  
章京索濟克烏巴等俱酌賞緞足効力兵丁二  
十七名各賞給布茶煙草奏入

上諭軍機大臣曰成衮扎布此次追捕逃犯和里木  
等甚合機宜素魯克沁托爾蘇岱俱授為三等待  
衛扎巴罕巴雅爾圖著賞戴孔雀翎加賞緞二端

既新派官兵毋庸前往仍著鄂博什瑚爾起帶領  
各回游牧

命賞擒勦嗎哈沁之護軍統領努三等官兵

上諭軍機大臣曰努三等奏稱偵知博羅托海有嗎  
哈沁賊衆藏匿蘆葦中即領官兵往勦巴圖魯侍

衛老格自策布登扎布隊內前來即領兵協助擒  
獲賊衆收取馬匹等語伊等此次行走殊屬効力  
努三著賞緞三端永德老格賞緞各二端索倫署

等前往搜緝甚屬無能豆斌著遵照前旨即速前  
往軍營帶領綠旗官兵聽將軍兆惠調遣

丙子

命哈密辦事巡撫吳達善等各回本任

上諭軍機大臣曰前因哈密有健銳營官兵經過及  
運送糧餉等事命吳達善德舒等前往辦理德舒  
於官兵經過後即隨往庫車辦事今官兵既已經  
過而糧餉亦皆運送德舒即遵旨前往庫車吳達

善著回原任五吉前往巴里坤隨阿里衮辦事其  
哈密事務仍令巴里坤大臣等兼管

丁丑

諭巴里坤辦事副都統阿里衮將厄魯特降人巴泰  
等送京

上諭軍機大臣曰永貴奏稱喀喇沁署章京達爾扎  
桑招降厄魯特巴泰巴魯及伊等妻子俟送至巴  
里坤時照例辦理等語巴泰等降附後隨達爾扎

旨遵行奏入得

旨庫勒爾德著授為三等侍衛賞銀五十兩特克著

賞給傅恒





六千三百隻染疫倒斃踰額一千五百九十有奇  
應著落解送官兵賠補等語此項解送軍需馬匹  
羊隻或全數無虧或倒斃不及分數牧羣官兵殊  
屬勤慎著查明議敘至倒斃牛隻踰額雖云染疫  
究係牧養疎忽自應照所奏賠補但獲咎尚屬有  
因著加恩作為二成准其銷算其餘應賠牛隻無  
多事關軍需未便概行豁免著寬限三年令副牧  
長額林沁等及牧羣兵丁分賠完項似此從寬辦

林哈畢爾噶羅克倫昌吉至西托摩楚克等處  
新兵共需籽種一千五百二十石餘穀三萬五  
千八百二十六石碾米一萬七千九百十三石  
共數官兵跟役九千一百九十人口糧七個月  
有奇其不足之數次年所種小麥青稞六月內  
即可收穫以資接濟奏入

上諭軍機大臣曰永貴等所奏闕展等處屯田收穫  
分數看來祇數屯兵口糧其伊犁駐防官兵仍需

籌畫可傳諭兆惠遵照節次諭旨辦理至從前屢  
諭永貴等確查收成分數除新舊屯田兵丁外尚  
足敷幾千人之食伊等遲久方奏微覺難於籌辦  
不思內地農民何以畝有餘糧蓋由家長善於勸  
課且食用撙節毫無欺隱耳兵民雖異其理則同  
永貴其悉心經畫於軍需自有裨益

壬午

申飭提督豆斌

知霍集占牧羣皆在南山領兵往攻至葉爾羌城外見賊衆阻河為陣因度橋攻勦過兵甫四百餘橋斷賊衆四合將軍奮擊兩易馬俱中鳥鎗斃面及脛俱得傷明瑞福齡安馬陷泥淖明瑞唇得長鎗傷我兵力戰浮水至營又來馬步賊萬餘人合圍我兵雖有勦殺以無馬不能衝突遂掘濠結寨賊亦結寨相持計軍需馬駝尚可供兩月之食惟軍器火藥不足等語臣伏思

內情形是賊既窮蹙而猶致令遠颺其自述無能之狀可謂曲盡矣可見此事不應付之若輩也臣斌著傳旨嚴行申飭

癸未

諭黑龍江將軍綽爾多酌辦明噶特等戶口

上諭軍機大臣曰據擒獲逃犯和里木供稱伊所屬九十餘人除無食餓斃及賣身與人外尚有七十餘人伊母妻亦在內等語著傳諭綽爾多查明和

里木母妻及同逃人等家口若分賞官兵即嚴加管束如未賞即解送來京給與王大臣等為奴至所供逃走之二十餘人外尚有四十餘人若忍饑待死殊屬可憫宜酌量施恩稍為賑濟仍曉示伊等因其不敢妄動故蒙恩卹若似和里木逃走早已正法嗣後各謀生理安分度日稍可自給即無庸糜費

十一月甲申朔

遽責伊等惟應援兆惠為要至兆惠領兵深入雖未免有輕賊之心亦恐朕責其怯懦若當日令伊暫駐阿克蘇候兵馬齊集當不至此然於現在情形亦未為失策朕豈肯加之責備此時惟堅守以待援師會合回至阿克蘇整頓兵馬再圖大舉又富德前奏副都統鄂博什瑚爾起懇請前往回部朕因伊等在軍營年久仍命撤回今值用兵之時著准其前往富德仍酌量賞給具奏至阿里衮所

上諭軍機大臣曰永貴等奏稱健銳營索倫等兵於  
十月二十等日經過闕展等語新兵既已經過屯  
穀亦皆收獲惟兆惠軍前奏報二旬未到或因臺  
站稍有羈遲可傳諭永貴揀派兵丁由闕展至哈  
喇沙爾庫車阿克蘇一路稽察臺站中途遇有軍  
營捷音作速馳奏仍即轉回

侍衛蒙古勒岱解送逆賊阿睦爾撒納之姪伊  
什扎卜至京



命免其緣坐仍隨塔什罕使臣回給與買主并賞伊

主緞一端

辦理屯田侍郎永貴等疏奏預備穆壘等處屯

田事宜

永貴等奏言來年自額林哈畢爾噶之穆壘羅  
克倫昌吉等處屯田要在先興水利水之多寡  
又視泉源之高下強弱本年托克三哈喇沙爾  
二處因無熟悉水利之人殊費經畫查穆壘至

戊戌

諭大學士管陝甘總督黃廷桂運送軍需事宜

上諭軍機大臣曰據舒赫德奏到軍營情形看來辦理回部必需整齊兵力於來年回人收穫時再行進勦昨已傳諭黃廷桂預備馬匹其糧運一事亦當加意籌畫再從前兆惠因輕騎進勦將所辦攻城礮位停止運送但來年大舉恐尚需用併傳諭黃廷桂仍將從前鑄成礮位及辦造之物料工

院署主事察喜納頗屬諳練請以辦理行文事  
件仍於西安涼州等處送馬官兵內酌留十數  
名繕寫清文其書山滿泰舒景阿等到日即遵  
旨分地駐劄辦理奏入報

聞

戊子

上於南苑大閱八旗官兵哈薩克使臣卓蘭等皆從

觀

定邊將軍兆惠等疏奏進兵葉爾羌情形

兆惠等奏言臣等領兵向葉爾羌進發十月初  
三日至輝齊阿里克離城四十里派侍衛瑞綽  
爾圖領兵哨探晝夜紆道潛至城下擒賊卡倫  
入城取糧回人一名卡倫人來奪見發矢逃走  
城內有二三百騎衝出亦不敢遠追臣等詳加  
詢問據供名們都拜係布魯持人生長伊犁備  
陳阿克蘇烏什投誠後霍集占領回衆三千入

加恩酌賞衣物若干俱諭爾等知之嗣後勉抒誠  
悃永享無窮之福特諭

諭定邊左副將軍成衮扎布派調達什達瓦游牧兵  
丁

上諭軍機大臣曰將軍兆惠等被圍亟需策應今擬  
分兵兩路一路由阿克蘇烏什一路由特穆爾圖  
淖爾夾攻逆賊特遣侍衛官長保瑚圖禮等馳驛  
往鄂爾昆於達什達瓦游牧挑選兵丁一千名或

瓜卜何在據供城內厄魯特布魯特伊犁回人  
有馬者五千餘名步行人甚多與霍集占相結  
者伯克阿卜都克勒木阿卜都哈里克呢雅斯  
索丕阿什噶伊朗和里布坤等數人餘皆含怨  
霍集占詭衆云大兵盡勦回人伯克霍集斯已  
被殺至霍集占曾否通信伊兄實未聞知但伊  
既收沙雅爾人口牲隻又將阿卜都瓜卜及其  
子弟俱籍沒監禁又烏什賽里木移來回衆三

百餘口殺害已經六日等語臣等兵臨城下未見賊衆迎敵或避我之銳固守待援即應近城攻取但此城較庫車甚大四面共十二門所領馬步兵四千餘祇足圍其一面且自烏什前來行戈壁一千五百里馬一千餘匹甚屬疲乏若圍城則兵力單弱賊將衝突逃走計賊若逃走惟向南路之痕都斯坦拔達克山喀喇土伯特等處擬於此等要隘駐兵堵截臣等仍領兵攻

便收貯致滋遲悞臣識見淺陋何敢妄行干預  
因駐劄並無大員以公事為重請將所接文報  
即行開看酌量辦理奏

聞仍逐一登記俟與將軍會合時呈送查閱至現在  
阿克蘇阿琿四人內惟阿卜都噶頗爾辦事頗  
有才具其副總管伯克頗拉特巴巴克意見不  
甚相合臣數次傳集勸令和衷并告以大兵與  
賊相持候兵馬調齊進勦爾等宜嚴行防範因



上諭軍機大臣曰兆惠等章奏日久未來朕深為慮  
念今據奏兵抵葉爾羌情形賊衆暫未出戰而我  
兵馬以遠行疲乏朕亦深悉勿以未即攻克致生  
急遽惟加意偵探多方誘致以協機宜波羅泥都  
既怨霍集占自應持原降勅書往諭至霍集占以  
伯克霍集斯被殺飭詞惑衆亦應明白曉示或令  
回衆等目覩又如斷其樵汲擾其村落皆屬善策  
所奏解送馬匹亦傳諭駐劄辦事之大臣侍衛等

矣再索倫察哈爾等兵已過關展兆惠之盡調綠  
旗兵因未得信息耳至賊人可逃之路宜嚴為堵  
截倘其北走則無地可逃必就俘獲兆惠等宜奮  
勉辦理併傳諭富德速往策應

巳丑

命辦理屯田侍郎永貴暫駐阿克蘇

上諭軍機大臣曰昨兆惠以兵抵葉爾羌急需馬匹  
接濟已傳諭舒赫德查照軍營咨文辦理矣可傳

或給與價值斷無絲毫擾累仍不可稍露防範情形如得有軍營信息作速奏聞

申諭叅贊大臣公阿里袞趲送馬匹事宜

上諭軍機大臣曰昨諭阿里袞所送馬匹務與各隊官兵相值同抵軍營伊既為叅贊大臣則所遇各隊官兵俱可酌量指示或令與原馬替換乘騎或馬步相兼行走以息馬力總應相機辦理若但以速到為事催促趲行一抵阿克蘇即已疲乏更屬

已遣存泰前往哈密催辦今兆惠奏取馬匹關  
係緊要務宜安速送往若委之官兵恐有遲悞

臣蒙

皇上天恩進兵數次於地方形勢水草有無尚識大  
概臣即赴哈密同吳達善等將內地送到馬匹  
除先行挑選二千外再選一千匹仍酌備餘馬  
親身帶領俟到闕展與永貴等商議催督照看  
又兆惠咨行永貴取駝七百隻臣慮運糧之駝

不無疲之併於哈密挑選帶往因係軍營要務  
臣一面具奏即行起程奏入

上諭軍機大臣曰據阿里衮奏准兆惠咨調馬三千  
匹即往哈密酌量多為挑選親身送至軍營等語  
所辦甚合機宜馬匹固應趕送而沿途亦須加意  
牧放不致疲乏送至軍營時如尚未成功阿里衮  
著以叅贊大臣行走現在巴里坤辦事著吳達善  
署理俟阿里衮事竣轉回仍回甘肅巡撫任

恩澤等語伊等既願內移則來年交春後三寶即率領伊等量力行走至熱河居住但計遷移之前為日尚多僅給籽種亦不敷食用是以從伊游牧選兵一千名前往西路不但入選官兵優加賞給即其餘人等亦酌給三分之一庶伊等普霑恩賚不致拮据似此格外施恩特因伊等自遷移游牧以來感戴朕恩安靜守分將來支給錢糧更於生計有益可傳諭三寶將此曉示布林等俾衆皆知

上諭軍機大臣曰昨覽兆惠奏頗望送馬接濟即諭  
永貴舒赫德等加意辦理今日阿里充奏親送軍  
營馬匹則程期自必迅速可傳諭兆惠勿以為念  
此時但當籌畫取城擒獲渠魁毋使逃逸至霍集  
占將阿卜都瓜卜等拘禁可見霍集斯從前降附  
之心甚誠著兆惠傳旨撫慰仍加恩賞緞六端軍  
營一切事宜向伊商辦以收其用又運送糧餉亦  
已諭知黃廷桂吳達善等諸事有備即目前不能

奏效來春辦理亦覺易為仍將現在情形作速奏

聞

諭叅贊大臣富德等令副都統巴圖濟爾噶爾留捕  
逸賊

上諭軍機大臣曰昨諭富德策應兆惠但搜捕厄魯  
特逸賊亦不可疏懈已圖濟爾噶爾原在富德隊  
中不必隨往葉爾羌即同巴祿領兵搜捕哈丹阿  
巴噶斯餘賊及沿途所遇嗎哈沁等凡奏事行文



旨遂卸責於胡寶瑤所有河南車騾一入陝境即  
應預飭地方官供支草料等項毋致缺乏其河南  
所辦若能多送數站更為有益伊等奉到此旨即  
遵照酌辦一面奏聞

命授叅贊大臣舒赫德為吏部侍郎

辛丑

定邊將軍兆惠等疏奏攻城勦賊情形

兆惠奏言十月初六日臣等派兵二千餘名聚

之例俱請旨遵行等語所奏年久官兵即著遣回游牧其年分尚淺及已授侍衛等人員仍留軍前隨富德行走俟凱旋撤兵時各隊官兵或應留用或應遣回游牧再為分別酌定

命總兵楊寧馳驛前赴軍營分管綠旗兵丁

辛卯

三等侍衛蒙郭勒岱駢騎校署叅領赫善以招撫石部哈薩克護送使臣等至京

授蒙郭勒岱為二等侍衛赫善為本旗佐領遇缺即

補

壬辰

諭大學士管陝甘總督黃廷桂籌辦馬駝事宜

上諭軍機大臣曰黃廷桂所奏馬匹駝隻二摺所見

正與朕意相合看來阿克蘇等處回城業經歸附

若能即取葉爾羌則此項馬駝特為預備伊犁屯

田之用固無庸急遽辦理即軍營尚須接濟而兆

五人據伯克霍集斯云臺上賊施放鳥鎗臺前  
及近城俱掘大坎埋伏賊人以防衝突臣等隨  
傳令左翼官兵自坎東向西進攻右翼官兵覓  
路向東進攻誘敵兵則直前衝突又令溫布愛  
隆阿領兵奪臺其時臺上坎下及破屋空院內  
埋伏賊衆放鎗拒戰見我兵衝突乘馬敗逃我  
兵躍坎追擊直至城下臣等將中軍排立賊於  
兩門內各出四五百騎對陣我誘敵兵欲使賊

著定長總辦

丙申

申諭叅贊大臣富德等策應兆惠事宜

上諭軍機大臣曰富德見兆惠調取馬匹之咨隨行文永貴等於新派四千兵內先到之索倫一千名暫行駐候將健銳營察哈爾兵丁乘騎之馬揀選三千匹交照看索倫兵大臣等送至阿克蘇伊仍帶舊兵之有馬者二千人過巴爾渾嶺徑攻喀什

噶爾富德籌辦機宜頗屬盡心竭力但阿里衮業經送馬起程新兵亦過闕展富德仍遵旨趲行與兆惠會合攻克葉爾羌再取喀什噶爾亦可至運送糧餉長途頗屬不易前諭永貴舒赫德等或於阿克蘇等處回人取用給以價值事若可行即寬裕預備又

諭曰富德將副都統鄂博什瑚爾起等懇請隨往回部之處陳奏伊等及索倫官兵効力西路有年今

至臣等察看賊衆情形其出城伏兵俱係厄魯  
特布魯古特亦間有從伊犁帶來回人城內東  
南角建立高臺排列數千人城上烏鎗甚密霍  
集占又將村庄人等移入田穀亦皆收割未熟  
者焚棄至賊馬雖有四五千匹堪用者不過千  
餘每由各門分出旋爭門而入計可以出戰之  
賊亦止二三千人臣等若分地圍城恐兵少致  
令逃竄擬將攻城兵撤回在附近有水草處休

營總固寧保署叅領阿卜達察署防禦綽勒頗勒  
圖原任協領革職効力之扎庫齊察哈爾署駢騎  
校布顏圖厄魯特嚮導巴桑賞緞各一端其隨往  
兵丁各賞一月錢糧

軍機大臣疏奏安插軍營送京之厄魯特等

軍機大臣奏言副將軍策布登扎布派員將布  
庫察罕之子特克庫本諾雅特台吉袞布之子  
庫勒爾德孫阿格拉克由巴里坤送京查布庫



察罕業經正法伊子年甫七歲應請

賞給王大臣等又查將軍兆惠等將克布之子舒倫  
哈什哈庫勒爾德作為嚮導頗屬効力舒倫哈  
什哈於前次送京奉

旨授為三等待衛賞銀五十兩在京居住庫勒爾德  
留於策布登扎布軍營効力今於送特克之便  
來京應令與伊兄同居其酌量加

恩之處請

以手舉如用車輪推送足以擁蔽雲梯等語原任副將胡大勇曾於金川用兵時監造攔牌可傳諭黃廷桂詢問胡大勇令監造一百面由驛站送往軍營或胡大勇外尚有熟諳攔牌工料者亦不妨就便詢問令其監造

諭叅贊大臣舒赫德派兵探信各事宜

上諭軍機大臣曰舒赫德奏稱有居住烏什之布魯特特穆爾占與布魯特頭目等熟識擬派侍衛布

平定準噶爾方略正編卷六十三

# 欽定四庫全書

史部

平定準噶爾方略正編卷六十四至  
七

詳校官監察御史臣孫家鼐

通政使司副使臣莫瞻菴

總校官進士臣朱鈐

校對官編修臣朱紱

謄錄監生臣劉佳瑋

欽定四庫全書

平定準噶爾方略正編卷六十四

乾隆二十三年十一月丁酉

阿克蘇辦事舒赫德疏奏將軍兆惠等信息

舒赫德奏言十月二十日酉刻將軍兆惠差索

倫領催阿勒丹察披甲扎奇勒圖來至阿克蘇

送到定邊將軍兆惠被圍文書并愛隆阿移文

臣詢問阿勒丹察等并移文內稱因捉生詢問

斯哈丹餘賊欲投俄羅斯因揀選兵馬同圖倫楚達禮善等輕騎追襲餘兵交與敏珠爾多爾濟搜捕嗎哈沁等語阿巴噶斯等餘孽無多伊等兵已足用前諭新派索倫兵五百既未必能趨赴巴祿之隊而富德又現往阿克蘇可傳諭富德定長伊等從烏魯木齊往阿克蘇沿途遇見此隊兵丁即帶領行走如富德已過定長即令其速行趨赴再前諭巴圖濟爾噶爾同巴祿搜捕逸賊後再往回

霍集占恃其狡悍敢拒大兵不過暫爾跳梁終  
歸殄滅此時新調官兵四千名及趕送馬三千  
匹漸次到來計惟速行策應臣與愛隆阿一面  
探聽叅贊大臣富德兵至何處一面選派兵馬  
趲赴葉爾羌其阿克蘇安設臺站鎮撫回人等  
事亦即酌量情形辦理又臣詢知兆惠明瑞俱  
傷不甚重其安營立寨亦有木植可用伊等於  
被圍後乘夜前行遇見愛隆阿之兵令其先來

通信謹將原文進呈

御覽奏入

上諭軍機大臣曰據舒赫德接到兆惠行文知我兵  
深入逆賊霍集占等恃其黨衆敢於合圍拒敵殊  
可憤恨即當前往策應叅贊大臣富德業經領兵  
前進著授為定邊右副將軍阿里衮愛隆阿福祿  
舒赫德俱授為叅贊大臣無論何隊兵丁惟擇馬  
力有餘者作速前往其攻取回城擒獲賊首自不



奏復詢問伊等沿途遇賊來追奮力射退馬已疲  
乏遇臣處遣往探信之六人換馬行走始得至  
此隨將伊薩穆等四人留住其五十保尚曉事  
體臣令其馳驛往巴里坤催趲兵馬再臣前得  
愛隆阿移文時即差署把總蘇由福迎探信息  
今據取得回文云十月二十日至托罕塔罕有  
賊六七百人突出接戰與副將定柱勦賊百餘  
人餘賊越山敗走擒獲帶傷賊人訊問據供係

奏馬駝亦經富德奏請先儘索倫兵一千名乘騎以期速到若阿里袞起程在前而官兵追及時即可給與乘騎可傳諭伊等惟計兵馬同抵軍營方克有濟併傳諭黃廷桂將所奏預備馬二萬匹加意養養兵達善五吉等不必回巴里坤仍速赴哈密預備糧運又

諭曰舒赫德現駐阿克蘇城安撫回衆甚為緊要前以軍營糧運宜多為措置有或向回人等購貯酌

給價值之諭此時宜向伊等以此舉毫無擾累明  
白曉示庶不致滋生事端舒赫德既領兵前進著  
永貴速赴阿克蘇辦事至愛隆阿領兵不及五百  
若應援將軍亦徒損國威無益於事今暫回阿克  
蘇尚無可罪惟奮勉以圖後效索倫阿勒丹察等  
頗屬奮勉阿勒丹察賜號什倫哈什哈巴圖魯扎  
奇勒圖賜號賽音伯勒克圖巴圖魯賞銀各一百

兩

覽又進

呈定邊將軍兆惠等奏摺云臣兆惠臣額敏和卓  
謹奏臣等訊問俘獲人等據供霍集占牲隻及  
沙喇斯戶口俱在城南英我奇盤山臣等商議  
收取以分賊勢又因納穆扎爾三泰將到隨派  
副都統愛隆阿署總兵定柱帶滿洲索倫蒙古  
兵五百名綠旗兵三百名前往堵截喀什噶爾  
來援要路并巡查一帶臺站候納穆扎爾到時

人陸續送往阿克蘇以備軍營調取

己亥

賜右部哈薩克阿比里斯等

勅書

奉

天承運

皇帝勅諭右部哈薩克汗阿比里斯哈木巴巴等爾  
等遣使卓蘭博索爾滿等於行宮朝覲朕加恩筵

宴復隨駕入都重申宴賚念爾阿比里斯等遠在  
外藩若照內地扎薩克授以爵秩恐爾等有拘職  
守仍依爾舊俗各安游牧庶無擾累爾等如遣使  
入覲朕自加以恩賚一切事體已面諭來使卓蘭  
等回抵游牧時想宜領悉其賜爾阿比里斯衣物  
若干使臣到日爾其祇受又賞來使等衣物若干  
及使臣隨僕等市易物件共賞銀千兩又聞爾哈  
木巴巴當侍衛等入境時不在游牧故未遣使亦

突圍而出因馬力不足不得已固守大營賊人  
來犯即以鎗礮攻擊凡我官兵俱受

皇上重恩惟思殺賊圖報計口糧尚可支持一兩月  
現在晝夜防守相機勦殺臣等前因阿克蘇烏  
什既定擒獲渠魁機不可失遂不暇計兵之多  
寡馬力如何趨行前進俱在

聖鑒之中總之輕敵妄進之罪在臣兆惠一人實所  
難逭然策應之兵若於年內能到尚可合力攻

八百五百名俱可令總管鄂齊爾等帶領由阿齊  
必濟前往西路會合巴祿之兵來年從特穆爾圖  
淖爾進剿可傳諭成袞扎布將現在軍營馬匹辦  
給如不足或於得親扎卜等所屬馬匹內通融措  
辦給與價值亦可其賞給伊等銀兩已交官長保  
等帶往

命兵部尚書都賚派調西安滿洲官兵

上諭軍機大臣曰都賚著馳驛前往西安署理將軍



印務揀選滿洲官兵二千名著將軍嵩阿禮帶領  
前往烏魯木齊其應得各項銀兩俱照例辦給

叅贊大臣舒赫德疏奏辦理軍營文報及駐劄  
回城情形

舒赫德奏言臣早受

天恩屢蒙任使負罪至重仍邀曲貸忽聞軍營信息  
夙夜靡寧惟有速催兵馬帶領應援至現在接  
到各處咨呈軍營文報俱係亟應辦理之事未

力五十保又至巴里坤催調兵馬著授五十保為  
藍翎侍衛賜號卓禮克圖巴圖魯賞銀一百兩伊  
薩穆賜號固永巴圖魯扎敦察賜號昆都爾巴圖  
魯沙津察賜號克爾車格衣巴圖魯烏克什勒圖  
賜號克什克巴圖魯賞銀各一百兩其舒赫德差  
遣効力之人亦著查明具奏至舒赫德領兵應援  
須得馬兵二千名綠旗兵二千餘名聲威始壯或  
派伯克霍集斯屬人同往以釋賊衆流言惟在相

爾處城小我兵於城外駐劄守護所有通葉爾  
羌喀什噶爾要隘俱安設卡倫庶無疎失回衆  
聞言俱甚感激其烏什城有伯克霍集斯妻子  
及衆伯克在內係貝子玉素富遊擊職銜丑達  
駐守現俱安靜近准將軍兆惠調取庫車賽里  
木綠旗兵二千名駝七百隻臣以現在情形不  
必遣發綠旗兵丁擬行文玉素富酌量調往烏  
什其餘存留阿克蘇再候軍營信息其駝隻仍

辦給各隊續進官兵至回人應交糧米亦令其  
作速辦納奏入

上諭軍機大臣曰舒赫德奏稱阿克蘇回人等現俱  
安靜毫無可疑所有通葉爾羌喀什噶爾要隘俱  
安設卡倫其應交糧米亦令其作速辦納等語所  
辦殊合機宜昨已命為叅贊大臣今又授為副都  
統宜加意奮勉至今回人交納糧米之處仍遵前  
諭曉示以內地糧運陸續即至將來或償還本色

人若不興師問罪何以振國威而申天討並非朕  
之好大喜功窮兵黷武也迨我師已得庫車兆惠  
勒兵前進風聲所過如阿克蘇烏什等城相繼傾  
心歸化其回部大頭目伯克霍集斯等復効順前  
驅唯霍集占奔竄葉爾羌是以兆惠率師乘機直  
入彼時若令其暫駐阿克蘇俟後隊到齊然後併  
力進取則自此發旨到日已屬不及然此不過身  
處局外者事後好為議論則可耳揆諸用兵機宜

無益伊前聞軍營調馬之信即親身趨送頗屬奮勉今又命其承襲公爵可傳諭阿里衮更當奮勉行走其帶領新調官兵之福祿訥齊訥豐訥亨等亦當愛惜馬力以期進勦無悞俱著傳諭知之

申諭定邊右副將軍富德賞給官兵等事宜

上諭軍機大臣曰昨諭富德將鄂博什瑚爾起仍帶往回部酌量賞給具奏此等官兵久在軍前勤勞可念著照初次出兵之例賞給又吉林革職協領

兆齊從前追襲善披領集賽等致賊脫逃今在烏魯木齊隨努三勦殺嗎哈沁頗屬奮勉併傳諭富德將兆齊酌量委署職銜令於軍營効力

庚子

諭郎中兼佐領職銜三寶曉示達什達瓦游牧

上諭軍機大臣曰三寶等前經呈報達什達瓦屬人窮感情形深可憫惻已諭將存貯籽種三百石全行散給又布林等告稱伊等情願向內遷移承受

報也可見

蒼穹垂佑默啓朕衷朕實感悚有此部署計現在可陸續俱抵葉爾羌矣兆惠等與援師合力其氣倍增從茲掃穴犁庭亮渠就縛庶幾上申國憲下慰忠魂軍務可告成事至若身膺閫寄奮勇直前計不返顧乃我滿洲大臣從來敦樸舊俗今兆惠統軍深入志在滅此朝食自不暇輾轉以為身謀忠誠勇敢朕實深為嘉予兆惠著由一等武毅伯加二



悉

諭大學士管陝甘總督黃廷桂等辦送西安官兵事

宜

上諭軍機大臣曰現在派調西安滿兵二千名前往  
烏魯木齊此項官兵若未經預備馬匹即照辦送  
健銳營兵丁之例辦給車輛即使馬匹足用亦不  
妨仍用車輛俾有餘力可傳諭黃廷桂鐘音即為  
預備又

諭曰適諭黃廷桂鐘音辦送西安官兵俱由驛站但  
由陝至甘自甘出口恐僱備車騾不無拮据河南  
與西安接壤巡撫胡寶瑤諳悉過兵事宜可傳諭  
令其約計足供二千兵丁之用解赴西安其西安  
所辦又可接濟甘肅則黃廷桂吳達善祇需料理  
兵丁出口之事更覺簡便安速但官兵自西安起  
程本鐘音分內事今命胡寶瑤攸助蓋專為甘省  
辦差甚多俾有餘地可以集事鐘音不得因有此

保聚且或新附猜疑則大功之成未必不遷  
延歲月將軍等捲甲疾趨深探虎穴雖偶爾  
被遮而士氣益揚愈增敵愾復能以少擊衆  
處險如亨賊益驚聲威而沮喪戡定之速實  
由於此兆惠等方以輕進引咎而我

皇上嘉其奮勇晉爵酬庸且

申諭以勢當急攻事難逆料使從來假恇怯為持重  
者無可藉口實足以釋古今之惑而闡韜鈴

集馬駝選巴圖魯兵二百名令公明瑞巴圖魯  
侍衛寧古禮為中軍前隊臣等率侍衛鄂實福  
齡安及閒散侍衛等為中軍總兵高天喜領礮  
鳥鎗隨中軍燾為後隊左翼前隊令副都統溫  
布侍衛富紹巴圖魯侍衛奎瑪岱鄂里克塔後  
隊令副都統慶隆阿巴圖魯侍衛齊努渾侍衛  
特通額管領右翼前隊令副都統由屯侍衛德  
爾森保巴圖魯侍衛扎延保後隊令總管端濟

布喀爾喀公朗袞扎布阿拉善公滾楚克巴圖魯侍衛諾爾本管領仍令明瑞等以熟識霍集占之回人厄魯特從行如霍集占親身出戰即併力擒拏或發矢競射又派兵二百名令巴圖魯侍衛喀喇瑞綽爾圖厄魯特散秩大臣達什策凌在前誘敵其各部回兵俱令該總管等率領在中隊兩翼之間各按隊伍執燾前進至葉爾羌城東北五六里見高臺一座上有騎賊四

察罕托克訊知哈丹等餘賊在齋爾等處藏匿隨  
領兵前往追勦等語是達爾扎桑所揭殊屬可疑  
自應根究明白已諭富德速行應援兆惠不必交  
令查審俟巴祿追賊轉回會同定長將達爾扎桑  
所揭情節訊明具奏

命宥原任將軍革職以兵丁効力之達爾黨阿哈達  
哈罪授為三等侍衛馳驛來京再赴軍營効力  
行走

離城一二里再行截殺賊不敢前亦出二三十騎來誘明瑞溫布等奮勇迎射接戰三次賊從北門出三四百騎策應由屯等即領兵阻截賊仍走入城至日暮臣等收兵留伏兵截殺是晚賊並不出城此次射斃賊人二十餘名帶箭逃去者無算倒斃驚散馬匹亦多并收軍器各數件我兵得傷者十九名傷斃馬二十餘匹官兵尚無損折者又伯克托克托之弟阿卜都賚伯

克霍集斯屬人阿里木布魯特烏默爾額敏和  
卓之護衛沙丕呢雅斯等一同勦賊索倫署叅  
領蒙郭勒肋下負傷與賊騎相扭挾有布魯古  
特琿齊之厄魯特卓里克圖哈什哈特克達什  
達瓦之厄魯特都喇勒哈什哈巴顏擊走賊騎  
救出蒙郭勒此外滿洲索倫兵將受傷人馬互  
相救出者甚多已酌量將厄魯特回人之新降  
者賞給翎頂緞疋其得傷官兵應請交部議敘



上諭軍機大臣曰將軍兆惠將來與援師合勢回駐  
阿克蘇整兵再進期在來春自當候辦理回部事  
竣凱旋京師至領隊大臣為數尚多明瑞即著馳  
驛來京朕面詢軍前情形不必以情願留軍効力  
固執陳奏

命免擒獲賊匪之扎薩克達什彭楚克等處分

上諭軍機大臣曰據福祿等奏稱扎薩克達什彭楚  
克副都統銜莫尼扎卜領兵將盜竊阿噶里卡倫

息馬力一面派兵於痕都斯坦拔達克山土默特等去路邀截賊衆賊如固守不出則不時分兵侵擾并捉生詢問以計離間波羅泥都及貿易回人等俟賊人內潰乘機攻取奏入

上諭軍機大臣曰據兆惠奏稱官兵攻城射賊衝擊數次賊衆披靡我兵雖有得傷者幸無損折等語官兵奮勇勦賊殊屬可嘉兆惠額敏和卓及領隊大臣侍衛官兵等効力及得傷者俱交部照例議

敏昨據舒赫德奏報兆惠行知慶隆阿文書朕即  
傳諭各隊官兵速往應援兆惠此時即尚未突圍  
而出計日援兵會合自必無虞可傳諭舒赫德於  
領兵進發時馳送兆惠知悉至兆惠從前奏報一  
月內可到此次遂隔四旬想阿克蘇以外臺站必  
有稽遲著舒赫德查明具奏又

諭曰兆惠奏稱攻取賊城攬牌甚為有益從前伊在  
四川試看鳥鎗不能穿透約重五六十觔一人可

崔翎那木扎伊什俱授為藍翎侍衛其餘効力官兵俱酌量獎賞收獲之厄魯特等若屯田處不需用即送京備賞又

諭曰適據富德奏綽羅斯台吉三濟扎卜由驛送京備詢又五吉清馥查出白和卓之妻米里格等五口送京俱行知該管大臣但沿邊所設臺站原為馳發諭旨及軍營奏報其尋常事件若一槩馳驛則馬匹未免勞乏要務轉致稽遲可傳諭陝甘總

占泰同往發兵攻擾喀什噶爾以分賊勢又有現  
在和闐城之吉林哲魯善曾領回人來見擬知會  
伯克鄂對若回人願同擊賊即酌量鼓勵再探取  
兆惠信息亦派索倫兵三薩保等六人前往等語  
辦理俱合機宜但兆惠被圍雖據差來人等謂可  
守至正月而策應究屬緊要舒赫德曾奏得兵一  
千即速往援然兵不厭多千人未免稍弱可傳諭  
舒赫德於新調官兵內量抽一二千續進亦不妨

已分別獎賞翎頂緞疋等語霍集斯甫經歸附即率屬奮勉殊可嘉尚著加恩封霍集斯貝子品級俟回部蕩平再加恩賞其額敏和卓等俱著交部議敘

諭叅贊大臣舒赫德辦理駐劄各事宜

上諭軍機大臣曰舒赫德昨請領兵應援已諭永貴駐劄阿克蘇辦事倘此時未到或於阿里衮福祿中酌留一人即領隊之豐安豐訥亨等留一人駐

劄亦可伊此次辦事頗屬妥協今又領兵前進著  
加恩賞戴孔雀翎再帶領健銳營第五隊之侍衛  
那林報稱途遇舒赫德差遣催督官兵之西拉木  
保阿里木保等并傳諭舒赫德伊等既奮勉行走  
可酌量獎賞

癸卯

諭定邊右副將軍富德等增帶巴祿隊內新派官兵  
上諭軍機大臣曰據巴祿奏稱捉生詢問知阿巴噶

部今應援將軍甚屬緊要亦傳諭巴圖濟爾噶爾  
速赴富德軍營可也

命獎賞西北兩路臺站官兵

上諭大學士曰西北兩路臺站官兵連年馳遞軍報  
頗屬迅速奮勉宜加獎賞以示鼓勵著該督撫飭  
令專管臺站之大員逐一查明將作何分別賞賚  
之處詳悉議奏候朕降旨加恩

甲辰



叅贊大臣舒赫德疏奏將軍兆惠遣送奏稿及現辦兵馬各事宜

舒赫德奏言十月二十五日夜將軍兆惠所遣三等侍衛伊薩穆駢騎校扎敦察獎賞藍翎馬甲五十保沙津察烏克什勒圖五人前來據告稱本月十七日夜將軍發交伊等五人文書各一分令突圍而出有能至阿克蘇者交臣處辦理臣接閱係是奏稿謹繕寫具

波羅泥都霍集占等遣喀什噶爾伯克哈三愛  
的爾領三百騎會合多倫回衆四百謀搶巴爾  
楚克等處臺站今所領兵丁得傷者二十餘名  
托罕塔罕臺站被搶兵丁二十人內得脫者十  
二名其餘臺站未動等語適接貝子玉素富行  
文調綠旗兵五百前往烏什防守臣因行令愛  
隆阿將伊所領綠旗兵丁就近派往烏什其所  
調賽里木等處綠旗兵丁即留於阿克蘇以備

進勦再慶隆阿於三日內可至阿克蘇又准永  
貴咨支給新派兵丁行糧用騾六百餘頭駝一  
百隻運至庫車其阿克蘇以外交臣辦理查此  
項騾駝照黃廷桂原奏應轉回內地本站但時  
值冬寒徒多凍斃且阿克蘇轉運軍需正資其  
用請飭糧運官員送交臣處其現在賽里木拜  
烏什阿克蘇口糧羊隻合計兵數約數幾月另  
繕清單呈

酌派官兵隨至軍營臣等領兵由葉爾羌城東  
渡河向城南進兵十月十三日見有賊兵迎出  
隨即安營選馬兵五六百名與賊對陣遙望賊  
勢約四五千騎各持烏鎗長槍在前其步賊在  
後分持斧瓜棍棒等械溝內亦俱有步賊持烏  
鎗排立臣等擬奮勇衝入生擒霍集占或用箭  
射死便可竣事臣等居中左副都統由屯右溫  
布齊聲呼噪衝入賊隊鏖戰賊騎敗走步賊即

放鎗拒敵我兵暫駐賊騎又從後挑戰臣等正在奮擊賊又從兩翼夾攻因馬力不能馳驟轉回保護大營被賊截為數處互相攻擊賊遂四面合圍計兩次接戰殺賊頗多我官兵陣亡者百餘人受傷者亦多總兵高天喜原任前鋒統領侍衛鄂實原任副都統三格侍衛特通額俱歿於陣馬力疲乏陷於泥淖者甚多現在賊騎數千人步賊亦多與我兵接戰五晝夜臣等欲

勦謹具奏稿遣人夤夜突圍送至舒赫德處繕  
寫轉

奏奏入

上諭軍機大臣曰兆惠等因勦賊被圍以輕敵自咎  
伊此次進兵甚屬奮勉復有何罪且凡事豈盡前  
知當我兵抵阿克蘇烏什皆望風歸順則葉爾羌  
喀什噶爾相繼投誠亦未可定豈必預料其敢於  
抗拒而轉生退阻今各隊官兵應俱抵阿克蘇聲

援既接內外夾攻賊圍必解兆惠等即暫回阿克蘇待來年厚集兵力一舉蕩平此次進攻以勞取逸以少擊衆尚能屢敗逆賊堅守待援先聲所加賊已奪氣將來戡定大功皆基於此已諭加恩封兆惠謀勇公賜寶石頂四團龍補服額敏和卓伯克霍集斯明瑞由屯溫布等俱屬奮勉自必一體加恩可傳諭兆惠將効力之大臣官兵功次詳悉紀錄俟回軍時奏聞其突圍送信之五人俱屬効

機辦理并於沿途勦殺搶奪臺站回賊愛隆阿定  
柱昨遇此等賊人即奮勇勦殺著同効力得傷官  
兵交部議敘陣亡者照例議卹併傳諭富德阿里  
衮及領隊大臣侍衛等遵照節次諭旨量力黽勉  
前進舒赫德所奏接續糧運解送弓箭等事亦傳  
諭黃廷桂清馥辦理

宣諭定邊將軍兆惠等功績

上諭大學士曰據將軍兆惠奏報領兵抵葉爾羌城



逆回堅閉不出當用精兵挑誘擊敗賊衆恐由別  
路逃竄旋渡河分兵堵截霍集占悉其醜類圍我  
大兵現已飛扎舒赫德領兵策應此皆臣輕敵妄  
進罪所難逭等語辦理回部一事原因賊首霍集  
占等向為厄魯特拘囚阿巴噶斯之地自大兵平  
定伊犁出諸陷窰之中俾仍長其舊部何啻起死  
肉骨而狼子野心不知感戴生成輒敢負恩反噬  
甚至戕害將軍所遣之副都統阿敏道及隨從百

兆惠尚為有進無退之良將也且我滿洲官兵所向披靡從來無敢抗敵即如今夏兆惠富德等分兵略地所領僅及千人而左右哈薩克東西布魯特各處回衆不煩攻勦不待招徠早已爭先納款其回部一路之阿克蘇等城無不勢如瓦解將謂乘勝長驅直入葉爾羌喀什噶爾亦屬甚易則向來之輕視逆回乃朕之誤又何忍以妄進輕敵為兆惠責乎此蓋數年以來平定準噶爾降哈薩克

布魯特實為極盛之會而遽有此大兵被圍之信  
上天仁愛之意朕實欽承感謝矣然霍集占當屢經摧  
挫之餘本屬計窮力蹙特因回至巢穴煽聚殘衆  
苟且自延而我師晝夜馳驅亦未免馬力不足以  
致一時困守待援所幸先事綢繆朕於六七月間  
即次第派遣索倫察哈爾健銳營及陝甘之綠旗  
兵前往策應馬匹糧餉亦已籌運在途若無此接  
濟則事誠危險然其時初不知有兆惠今日之奏

字晉封為武毅謀勇一等公加賞紅寶石帽頂四團龍補服以彰獎勞勸功之典額敏和卓著賞給郡王品級伯克霍集斯著晉封貝子加貝勒品級俱賞給寶石頂四團龍補服明瑞溫布由屯及在事之大臣侍衛等俟兆惠至阿克蘇時查明奏請加恩優敘兵丁等著照初次出兵給與整裝銀兩之例按名賞給其陣亡之高天喜鄂實三格特通額四人奮勇殺賊盡瘁捐軀深可憫惻高天喜著

照一品大臣例賞給卹典鄂實三格各照伊原任  
前鋒統領副都統特通額照頭等侍衛從優議卹  
其餘陣亡帶傷官兵將軍等查明冊報一體分別  
賞卹將此通行曉諭知之

臣等謹案行師撻代采入為先當我兵進取  
回城逆酋霍集占兄弟屢經推敗之餘鼠伏  
一隅久已神志膽墮且列城相繼迎降自可  
乘機直入設爾時稍事遲回使賊得以繕完

之秘矣至於

神謀廣運炳燭幾先調兵選馬皆半年前早為部署  
本欲以均行間之勞逸壯奏凱之觀瞻耳惟  
時士馬並次中途一旦檄趣赴援參贊等遂  
得長驅直進聲援有資內外夾攻捷書迅奏  
實皆

淵衷睿略默契

天心凡助順之

鴻禧悉協

宵旰所籌畫是知計出萬全固非輕於一試彼拘主

客多寡之見者烏足以語非常之偉烈哉

諭叅贊大臣巴祿等會審臺站侍衛揭報情節

上諭軍機大臣曰永貴等奏稱喀喇沁藍翎侍衛達

爾扎桑揭報固爾圖喀喇烏蘇臺站被竊馬匹追

擒一賊巴祿訊係哈丹所屬令臺站人等不許妄

報請交富德查審等語昨據巴祿奏稱擒獲賊人

乙巳

諭大學士管陝甘總督黃廷桂籌備軍營馬匹

上諭軍機大臣曰辦理回部一事原謂今年可竣是以前諭黃廷桂預備駝馬候兆惠文到應付今兆惠兵抵葉爾羌勦賊被圍已降旨通行宣諭前派索倫察哈爾健銳營等官兵諒陸續可到兆惠得此應援或尚不能就緒必應整兵再舉計兆惠所領之兵約有四千合之新派官兵四千西安滿兵



二千達什達瓦部內亦可得一千及將來派出綠旗兵丁應有一萬五六千之數於來春齊集所需馬匹正多黃廷桂前奏有現在牧養馬匹來春可得二萬之語可傳諭黃廷桂再為籌備多多益善至糧餉一事尤關緊要其應作何廣為儲備速行轉運不致臨時周章俱宜悉心妥協辦理一面奏

聞

命領隊大臣公明瑞來京

馬匹賊首布爾古特達魯噶哈拉布奈等八人擒獲解送烏里雅蘇台軍營其為從賊匪十七人俱行釋放現飭伊等查拏等語所辦甚是可傳諭成衮扎布再行嚴飭查拏務獲其擒獲賊首之察哈爾喀爾喀官兵俱酌量獎賞至達什彭楚克等既獲為從賊人即當報明將軍大臣候示乃擅自釋放理宜議罪姑念獲賊有功從寬免其處分

丙午

命陞賞搜獲逸賊官兵及搏節臺站馬匹等事宜

上諭軍機大臣曰據富德奏稱噶爾藏多爾濟舊游牧昌吉等處聞有藏匿之嗎哈沁遣額爾登額老格等搜捕索倫署叅領翁奇勒圖等縛葦渡河領催那木扎厄魯特兵丁伊什直入賊隊生擒一人叱衆投降將厄魯特護衛哈坦博羅特等二十餘人收獲解交永貴處酌量辦理等語此等賊人雖無關緊要但官兵等尚屬奮勉翁奇勒圖賞戴孔雀

督及巴里坤辦事大臣等嗣後解送人口非急需  
詢問者皆由西安一路以樽節沿邊臺站馬匹

平定準噶爾方略正編卷六十四